



IJTIMOYIY YORDAM MANZILLILIGINI OSHIRISHNING YANGI TIZIMI JORIY ETILADI

Prezident Shavkat Mirziyoyev 28-yanvar kuni ijtimoiy yordamlarning manzilliligini oshirish, nogironlari bo‘lganlarni parvarishlashning yangi tizimiga oid taqdimot bilan tanishdi.

Bu haqda 13-dekabrda bo‘lib o‘tgan videosektor yig‘ilishida topshiriq berilgan edi. Shunga muvofiq, jahon tajribasi va hayot talabini inobatga olgan holda, qator takliflar ishlab chiqildi.

Jumladan, “Ayollar daftari” va “Yoshlar daftari” orqali ijtimoiy yordamlar “Kambag‘al oilalar reyestri”ga kirgan oilalarga ko‘rsatilishi belgilanmoqda. Bunda mablag‘larni tuman va shaharlardagi aholi, nogiron shaxslar va kambag‘al oilalar soniga mutanosib ravishda taqsimlash tartibi joriy etilmoqda.

Oilaning kambag‘al deb e‘tirof etilishi uning a‘zolaridan qo‘shimcha ariza va hujjatlarni talab etmagan holda ijtimoiy yordamlar ko‘rsatilishiga asos bo‘ladi.

Shu bilan birga, samarasiz va talab yuqori bo‘lmagan ijtimoiy yordamlar maqbullashtirilib, 28 turdagi ijtimoiy yordamning yagona ro‘yxati tasdiqlanadi. Ijtimoiy daftarlari hisobidan ajratiladigan davolanish va jarrohlik amaliyoti xarajatlarini Davlat tibbiy sug‘urta jamg‘armasi orqali moliyalashtirish tartibi joriy etiladi.

Tuman (shahar) hokimliklari huzurida yuridik shaxs bo‘lmagan “Infrauzulma va ijtimoiy barqarorlik” jamg‘armalari tashkil etiladi. Uning amaliyoti joriy ijtimoiy-iqtisodiy, tashkiliy-amaliy va infrazulmaviy muammolarini bartaraf etish, sog‘lom turmush tarzini keng tatbiq qilish va sportni rivojlantirish, ekologiya va atrof-muhitni asrash tadbirlariga sarflanadi.

Davlatimiz rahbari nogironlari bo‘lgan bolalarga alohida mehriyorlik ko‘rsatish xayrii ekanini aytgan edi.

Shu bois, 3-18 yoshdagi nogironlari bo‘lgan bolalar uchun davlat-xususiy sheriklik asosida kunduzgi parvarish xizmatini yo‘lga qo‘yish taklif etilmoqda. Unga bolalar ota-onalari bilan tuzilgan ijtimoiy shartnoma hamda Psixologik-tibbiy-pedagogik komissiya xulosasi asosida qabul qilinadi.

Joriy yil yakuniga qadar bu xizmatlar bilan 2 mingga yaqin og‘ir nogironlari bo‘lgan bolalarni qamrab olish rejalashtirilmoqda. Bu ularning onalari uchun ishlash va ta‘lim olish kabi imkoniyatlar yaratib, oila farovonligiga xizmat qiladi.

“Bolalar salomatligi” axborot tizimi ishga tushirilib, har bir farzandga qo‘yilgan tashxis tahlil qilib boriladi. Ularga tibbiy, reabilitatsiya, ta‘lim, ijtimoiy xizmatlar kompleks ravishda ko‘rsatiladi.

Bunday muassasalarga har bir bola uchun subsidiya va xaridlarga imtiyozli kreditlar ajratiladi. Ota-onalarning kunduzgi parvarish xizmatidan foydalangan uchun oyiga 3 million so‘mgacha bo‘lgan to‘lovlaridan soliq olinmaydi.

Taqdimotda oilalarni kambag‘allikdan chiqarishga ko‘maklashish tadbirlari haqida ham axborot berildi.

Bu jarayon “yetti imkoniyat va mas‘uliyat” tamoyili asosida tashkil qilingan. Oilaning ijtimoiy-iqtisodiy holati, daromadi va mulki baholaydigan “Kambag‘al oilalar reyestri” axborot tizimi ishga tushirilgan.

Shu asosida 48 ming fuqaro ishga joylashtirildi, 10 mingdan ziyodi kasbga o‘qitildi, 14 ming nafariga kredit va subsidiyalar ajratildi. 140 ming oilaga shifokorlar birlashtirildi, 38 ming fuqaroga ijtimoiy xizmatlar ko‘rsatildi. 32 ming bola bog‘chaga joylashtirilib, qariyb 7 ming yosh kirish imtihoniga tayyorlanish uchun universitetlarga birlashtirildi.

Davlatimiz rahbari takliflarni ma‘qullab, kambag‘allik reyestri oilalarning mehnatga layoqatiga qarab taqaballashtirish, mehnatga layoqatli bo‘lmaganlarni davlat ijtimoiy himoyasiga olish, ularni ijtimoiylashtirish bo‘yicha ko‘rsatmalar berdi.

O‘za

AHOLINI BARQAROR ENERGETIKA BILAN TA‘MINLASHDA RESURS TEJAMKOR IQTISODIYOT MODELIGA O‘TILADI

Prezident Shavkat Mirziyoyev elektr energetikasini 2025-2035-yillarda rivojlantirish chora-tadbirlari bo‘yicha yig‘ilish o‘tkazdi.

Oxirgi sakkiz yilda elektr ishlab chiqarish 38 foiz oshib, 81,5 milliard kilovatt-soat yetdi. Xususiy sektorga keng yo‘l ochilgani tufayli 11,2 gigavattli qo‘shimcha quvvat yaratildi. Natijada bu sektorning generatsiyadagi ulushi 24 foizga, “yashil” energiya hisssasi esa 16 foizga yetdi.

Shu davrda aholi daromadi 1,6 baravar o‘sgani, yangi turdagi maishiy texnikalardan foydalanilayotgani sababli xonadonlarda elektr iste‘moli 21 milliard kilovatt-soatdan oshdi. Bu 2016-yildan 2 baravar ko‘p.

2030-yilga borib, mamlakatimiz aholisi 41 millionga yetishi, iqtisodiyotimiz esa 1,5 karra o‘shishi kutilyapti. Shunga mutanosib ravishda sanoatda 45 milliard dollarlik qo‘shilgan qiymat yaratish, xizmatlar hajmini 3 baravar oshirish, yirik Ma‘lumotlar markazlarini ishga tushirish ko‘zda tutilgan.

Buning uchun, avvalo, barqaror elektr ta‘minoti zarur. Hisob-kitobga ko‘ra, 2030-yilda 117 milliard kilovatt-soat, 2035-yilda esa 135 milliard kilovatt-soat elektr energiyasi talab etiladi. Ya‘ni hozirgidan 1,7 baravar ko‘p.

Yig‘ilishda energetika vaziri shu maqsadga qaratilgan uzoq muddatli dasturni taqdimot qildi.

Qayd etilganidek, yangi elektr stansiyalari va energiya saqlash quvvatlarini barpo etiladi. Ularni tizimga ulash uchun 7 ming kilometr magistral tarmoq qurilib, raqamlashtirilgan boshqaruv joriy qilinadi. Bu orqali hududlarda energiya balansi ta‘minlanadi. Bir viloyatda elektr yetishmovchiligi bo‘lsa, boshqa joyda qo‘shimcha quvvatlar ishga tushiriladi. Bu ishlar uchun kelgusi besh yilda “O‘zbekiston milliy elektr tarmoqlari”ga 4 milliard dollarlik investitsiya kiritish talab etiladi.

Yana bir muhim masala — elektr energiyasining tanaxsirini pasaytirish. Buning

O‘za

omili muqobil manbalarni ko‘paytirishdir. Xorijiy ekspertlar ham O‘zbekiston sharoitida “yashil” energiya imkoniyatlari ko‘pligini aytaypti.

Shundan kelib chiqib, 2030-yilga borib, jami generatsiyada “yashil” energiya ulushini 50 foizdan oshirish ko‘zda tutilgan. Jumladan, 3 mingta mikro GESda 164 megavatt, quyosh va shamol quvvatlari hisobiga 750 megavatt quvvatlarini ishga tushirish rejalashtirilgan.

Kuni kecha davlatimiz rahbari resurs tejamkor iqtisodiyot modeliga o‘tish vaqti kelganini ta‘kidladi.

Xususan, sanoatda energiya samaradorlik orqali qo‘shimcha 27 foiz yalpi ichki mahsulot yaratish imkoniyati bor. Hozir kimyo va metallurgiya bo‘yicha ayrim mahalliy korxonalarda energiya sarfi dunyodagi o‘rtacha ko‘rsatkichga nisbatan 2 karra, sement ishlab chiqarishda esa 1,2 baravar yuqori.

Shu bois, har bir tarmoq kesimida energiyani 10-15 foiz iqtisod qilish, 2030-yilda elektr energiyasi yo‘qotishlarini hozirgi 14 foizdan 8-9 foizgacha tushirish vazifa qilib olinmoqda.

Xorijiy investorlar bilan yana 26 milliard dollarlik 24 gigavattli loyihalar bo‘yicha ishlar boshlangan. Ularga ko‘p miqdorda uskunaga va qurilish materiallari ishlatiladi. Bu yurtimiz korxonalarini uchun katta imkoniyat ekanini, loyihalarda mahalliy lashtirish va kooperatsiyani rivojlantirish zarurligi ta‘kidlandi.

Iste‘molchilarga barqaror va uzluksiz elektr yetkazib berish, sohada kadrlar tayyorlashni rivojlantirish bo‘yicha vazifalar belgilandi.

Mutasaddirlarga bularning hammasini inobatga olib, elektr energetikasi sohasini 2035-yilgacha rivojlantirish dasturini tayyorlash topshirildi.



TABIAT BEBAHO BOYLIKKINA EMAS KELAJAGIMIZ, TAQDIRIMIZ HAMDIR



Tabiatni asrash bilan bog‘liq bunday hikmat bor: **“Qushlar sayrashini istasangiz, qafas sotib olmang, ko‘chat eking”.** Million yillar davomida odamlarsiz yashagan tabiat bundan keyin ham yashay oladi, insonlar esa to‘laqonli biosfera, ya‘ni biologik tizim rivojlanishi uchun to‘liq sharoitsiz mavjud bo‘lolmasligi tayin. Biroq insoniyat va tabiat o‘rtasidagi uyg‘unlik yil sayin oqsab borayotganini hech kim inkor etolmaydi.

Genofondning jadallik bilan yomonlashib ketayotgani, minglab gektar o‘rmonlar ayovsiz kesilishi, atmosfera va suv manbalari ifloslanishi, tuproq eroziyasi, ozon qatlami buzilishi kabi holatlar dunyo ekologiyasida eng katta muammolarga aylangan.

Davomi 3-beta

Prezident tashabbuslari amalda

G‘IJDUVON TAJRIBASI: ISHBILARMONLIK AHOLI TURMUSHIGA FAROVONLIK OLIB KIRDI

Bugun dehqonchilikdan tortib ishlab chiqarishgacha, sanoat zanjirini yaratishdan to yirik investitsion loyihalarni amalga oshirishgacha — barida xususiy tadbirkorlar, kichik va o‘rta biznes vakillarini uchratishimiz odatiy holga aylangan. Hozir ular xususida hatto Prezidentimiz turli yig‘ilishlarda gapirishini go‘yoki azaldan shunday bo‘lib kelgandek jo‘n qabul qilamiz.



Soha vakillariga yaratilayotgan qator yangiliklar, erkinliklar, olib tashlanayotgan sun‘iy cheklovlar yetti-sakkiz yil oldin amalga oshirish nihoyatda mushkul bo‘lgan ish ekanini yodimizdan chiqqani, albatta, bir tarafdin qvonarli, biroq “O‘tmish xatolarini unutmaganda, kelajak uchun poydevor quring”, degan naqni ham unutmasligimiz lozim.

Sakkiz yil oldin qabul qilingan qarorlar va islohotlar ayni shu og‘riqli nuqtadan boshlangani bejiz emas. Chunki ilgari bir tadbirkor ish boshlasa, faoliyatiga aralashib, huda-behuda tekshiruv bilan to‘siq qo‘yadiganlardan ko‘pi bo‘lmasdi. Mahsulot ishlab chiqarish, bozor topish, yangi ish o‘rni yaratish — barchasi katta mashaqqat, bu yoqda tadbirkorga yordam o‘rniga

uning ishiga xalal berishlar, shubhasiz, rivojlanish yo‘lidagi to‘siq edi.

Shu bois, 2016-yildan boshlab mamlakatimizda tadbirkorlarga munosabat tubdan o‘zgardi. Prezidentimizning 2016-yil 5-oktabrdagi “Tadbirkorlik faoliyatining jadal rivojlanishini ta‘minlashga, xususiy mulkni har tomonlama himoya qilishga va ishbilarmonlik muhitini sifat jihatidan yaxshilashga doir qo‘shimcha chora-tadbirlar to‘g‘risida”gi farmoni esa ushbu sohada yangi bosqich, yangi imkoniyatlar eshigini ochib berdi. Zero, hujjat bilan tadbirkorlik subyektlari faoliyatini rejadon tashqari, shuningdek, ularni jinoyat ishlari doirasida muqobil tekshirishlarning barcha turlari bekor qilindi.

Davomi 4-, 5-beta



